
Π Α Ρ Α Ξ Ε Υ Η '

Sive

PRÆPARATIO

Ad

Pacificam decisionem controuersiarum

*de solius Sanctæ Trinitatis religioso cultu ; De
Apostolica Episcoporum ordinatione ; Deq;
obedientia debita legitimis Regibus
cuiuscunq; Religionis.*

Ad

*Clarissimos, Doctissimosq; viros Decanum, & Theo-
logos celeberrima Ingolstadiensis Academia.*

Per

IOAN. GORDONIVM, humilem Theolo.

*Doctorem, & Ecclesiæ SARISEVRIENSIS Deca-
num Scoto-BRITANNVM.*



LONDINI

*Excudebat THOM. SNODHAM, Impensis
Nathanaelis Butter. 1612.*

THE
HISTORY OF THE
RELIGIOUS OPINIONS OF THE
HUMAN MIND

BY
JOHN GORDON, ESQ.
OF THE BARR

LONDON:
Printed by J. JOHNSON, in Pall-mall.

1794.



LONDON:
Printed by J. JOHNSON, in Pall-mall.



JOAN. GORDONIVS
 humilis Decanus SARISBURIENSIS
 Decano & Theologis Ingolstadiensibus
Conuersionem ad Catholicam, Apostolicam, &
antiquam Romanam fidem; & Anonymo conui-
ciatori suo respiscenciam a Deo Patre per
IESVM CHRISTVM humilimis
votis precatur.

NON adeo pridem (viri Doctis-
 simi) ad nostras manus perue-
 nit libellus permissu vestro edi-
 tus, cuius author suum nomen
 reticuit, quod eum fecisse esti-
 mo, vt fugituo ori liberior ma-
 ledicendi campus pateret, in
 quem ego in praesentiarum Ciceronis dictum solum-
 modo contorqueo: Nempe, is maledicit qui non po-
 test ab altero verum audire.

Si maledicta & virulentæ contentiones indignæ
 sunt Philosopho, vt idem ait, multo magis Theologo
 detestandæ sunt; Vobis incumbit prospicere ne quid
 vestri Alumni contra bonos mores & Christianam
 modestiam committant: Ego vt Christianum decet,

omnem aduersario maleuolentiam & maledicentiam condono, vtq; Deus illi faniozem det mentem enixè rogo.

Mirum tamen mihi videtur vos tam prudentes viros librum ridiculo Tonfuræ titulo edi permisisse, quum vobis satis perspicuum sit Romanos Sacerdotes tonsura initiari, adeo vt derisor noster, vestram & suam eadem Charta Religionem derideat. Si vos Sacramenti vestri profanationem impune Tonfori nostro permiseritis, nobis leuiusculum erit tale deridiculum, quod nostram religionem non tangit, sed meum solummodo nomen perstringit, æquo animo tolerare.

Quod ad libellum attinet, Tota eius tractatio ad duas præcipuas partes redigitur; Quarum vna falsis diæterijs, conuicijs, & sannis nostrum nomen Catuliano & verè Canino stylo proscindit, dilaniat, discerpit, meq; totum Ethnico more diris deuouet. Caput primum libri primi, soluta oratione conscripti, & liber secundus carmine exaratus, in maledictis & contumelijs personant, & ferè reboant.

Secundum verò Caput libri primi, duodecim imitationes *Iuliani* Regiæ gubernationi, & Angliæ nostræ praxi mendaciter & calumniose imputat. Capita verò sequentia, nempe, 3.4.5.6.7.8. infra scriptas conclusiones habent, post quæstiones propositas.

1 Primo. Christum super personam *Petri* Ecclesiam fundasse.

2 Reges Pontificibus subditos esse.

3 Christianos antiquæ Ecclesiæ *Neronem* deponere

ponere iure potuisse, aliosq; persecutores si virium facultas id perficiendi illis fuisset.

4 Orthodoxos Christianos in Arrianos Imperatores, & *Julianum* Apostatam idem ius habuisse.

5 Papas iure posse hæreticos reges deponere, & iuramenta illis præstata dissolvere.

6 Serenissimum nostrum Regem non esse defensorem antiquæ Catholicæ fidei.

Quia in Theologica tractatione falsis dictarij & conuicijs non est agendum, sed autoritate Scripturarum & Patrum antiquæ Ecclesiæ consensu, quid verum in quavis quæstione statuendum, mihi optimum factum visum est. Patrum Græcorum & Latinorum sententias, qui per mille à Christo annos vixerunt hisce aduersarij conclusionibus apponere: vt Christiani omnes veritatis amatores, antiquæ Catholicæ Ecclesiæ doctrinam amplectantur. At refutationem nostram in lucem edere distuli, donec eius nomen mihi innotuerit: Contra enim Anonymum disputare, nihil aliud est quam gladio ærem diuerberare, aut cum larvis luctari.

Indignum est, vt in tam celebri Academia, quicquam Theologus audeat suppresso nomine, religionis causas tractare; cum omnibus notum sit, subteritiam nominis, authorem in suspensionem vocare, eumque arguere, quasi illum pudeat causæ, quam defendendam suscepit.

Altera verò ex parte nulli dubium esse potest, vobis, quorum permissu editus est ille liber, authoris nomen satis cognitum esse; si ergo æquos iudices vos exhibere velitis, eius nomen indicare debetis, vt
comper-

compertum sit cum quo nobis dimicandum. Vos ergo rogo viri graues, vt pro innata omnibus hominibus æquitate, aduersarij nomen indicetis. Sin minùs, & illud suppressi volueritis, ego Dei, Regis & Ecclesiæ causam non deferam, vosq; iudicabo hanc litem vestram fecisse; adeo vt aduersus vos mihi in arenam descendendum; quod mihi semper gratius optatusq; erit, quam cum ignoto viro, quem sui nominis puderet, decertare.

Ingenue fateor, si manibus & lacertis luctandum esset, vos tot homines, robore corporis pollentes, facile me senem & inualidum conculcare, & terræ posse collidere. At mihi adsunt comites in hoc literario certamine omnes Christianæ veritatis Doctores & predicatores, qui in millena illa & longissima annorum periodo Christianæ professionis vixerunt, contra quos vobis luctandum.

Nos tamen lubentius *εὐηνικῶς*, quam *πλεμικῶς*, hanc litem dirimi optamus; Quod fieri nequit nisi vtrinq; nostras opiniones deponamus, & Patrum Græcorum ac Latinorum, qui per decem a Christo sæcula vixerunt, doctrinam amplecti velimus. Hinc mihi operæ pretium visum est, eorum de Dei cultu & regum honore (quæ ambo B. *Petrus* coniungit) sententias breuissimis Thesibus exponere quas ad vos mitto (viri Doctissimi) vt tot sæculorum doctores in hisce controuersijs pro iudicibus acceptetis, enixeque rogo, vt me certiozem faciat, num illorum sententijs stare velitis, tanquam iudicium omni suspicione vacantium: Si vero id facere volueritis, polliceor me qua fieri potest celeritate, eorum

rum testimonia, quibus Theses nostras probare, *ὅτι*
θεῶ speramus, ad vos missurum, non tam disputandi,
 quam pacis conciliandæ studio.

Interea (viri Clarissimi) vos rogo, hortorquè, vt
 folius Sanctæ Trinitatis adorationem & inuocatio-
 nem, excluso omnium creaturarum religioso cultu,
 pro fide Catholica in vestra Academia, ad salutem
 animarum vestrarum recipiatis: Et vt legitimis Re-
 gibus cuiuscunq; religionis, obedientiam in rebus ci-
 uilibus præstandam, & fidem iuramenti illis seruandam
 vos ipsi credatis, & celeberrimæ Academicæ vestræ
 alumnos in eadem doctrina, vt decet Christianos,
 instituatis. Quod vt præstetis, a Deo Patre omni-
 potente, per **I E S U M C H R I S T U M** filium eius
 coæternum supplicibus votis precamur. Sicq; Deus
 vobis felicitatem in hoc sæculo, & sempiternam
 beatitudinem in Regno suo cœlesti indulgeat. Valete
 in **C H R I S T O**, viri clarissimi, Doctissimiq;.

IOAN. GORDONIUS,
Decanus Sarum.

B

T H E S I S



T H E S I S I.



AD legitimum Episcopum Romanum aliumve quemvis constituendum requiritur, primò vt ordinandus teneat veram fidem de inuocatione solius Sanctæ Trinitatis, exclusa omni creaturarum religiosa adoratione, quæ tempore *Gregorij* primi, circa finem sexti a Christo sæculi inclinare cæpit, a doctioribus tamen Episcopis vsq; ad finem decimi sæculi retenta est. Secundo vt ordinetur iuxta Canones Apostolorum & Conciliorum, qui Romæ in usu communi fuerunt per 1180. a Christo annos, quod etiam cessauit temporibus *Alexandri* 3. Anno Domini 1180. iam dicto.

I L L A T I O.

Papa ergo a Temporibus Alexandri 3. cum nullam habeant Canonicam ordinationem merè laici Principes & non sacerdotes debent censeri.

T H E S I S. II.

CH R I S T V S quatenus est ἀρχιποιμὴν & ἀρχιερεὺς nostræ professionis, limitatam potestatem a Patre suo

(7)

suo accepit, nihil docendi aut agendi ultra ea quæ sibi fuerant a Patre præscripta; eandemq; limitatam potestatem S. *Petro* reliquit; Apostolis tradidit. Christus verò eiusq; Apostoli in rebus civilibus Imperatori, et eius præsidibus se subiectos agnouerunt.

ILLATIO.

Quando igitur Papa haberent veram ordinationem, essentq; veri Vicarij Christi & successores Petri, sequitur eorum potestatem non esse infinitam & illimitatam, ut Canonici iactitant; sed debere eos imperatoribus & Regibus eandem subiectionem, quam Christus et Apostoli Ethnicis principibus exhibuerunt.

THESIS III.

Veri Episcopi Romani ab Apostolorum temporibus usq; ad Concilium *Nicanum*, & post illud usque ad *Gregorium* primum, nullum Episcopale ius prætenderunt in Ecclesiam & Regnum *Britannia*; Sed tempore *Constantini* magni & filiorum eius, iurisdictionem in solam Prouinciam Romanam habuerunt.

ILLATIO.

Hinc inferimus Papas, qui vniuersalis Ecclesia Episcopatum sibi usurparunt, adeoq; supra Coepiscopos suos se exaltarunt, hocq; nomine Britanniam infestarunt, fuisse anticatholicos & antiapostolicos.

T H E S I S I I I L

OMnes veri Episcopi Romani solius Sanctæ Trinitatis adoratores, imperatoribus Ethnicis, Apostatis & hæreticis obedientiam exhibuerunt tam in rebus ciuilibus, quam in eis quæ ad Politiam Ecclesiæ pertinebant, iuramenta illis præstita ipsi seruabant, subditosq; Imperij illa seruare docebant, non propter metum, sed propter conscientiam, Papæ verò qui ab imperio Græcorum, circa initium septimi a Christo sæculi, defecerunt; simul a solius Sanctæ Trinitatis inuocatione ad creaturarum vetitam adorationem desciiuerunt, contra fidem Deo in Baptismo præstitam, & B. Petri præceptum *Deum time, Regem honorifica.*

I L L A T I O.

Omnes igitur Pontifices qui ab initio circiter septimi a Christo sæculi vixerunt, sub imperatoribus Græcis eorumq; exarchis, tam in Deum quàm in imperatores legitimos suos Dominos perduelles fuerunt.

T H E S I S V.

PAPæ qui sæculo Octauo sedem Romanam gubernarunt, quamuis Antichristianum Vniuersalis Episcopi Titulum a Phoca, Bonifacio 3. & successoribus eius concessum, vnâ cum adoratione religiosa creaturarum, vltra Sanctam Trinitatem retinuerunt, nihilominus Carolo Imperatori solius Trinitatis adoratori,

adoratori, (vt Diuino iure tenebantur) debitam obedientiam præstiterunt: Reliqui etiam Pontifices a Caroli Magni temporibus ad *Gregorium* 7. vsq; imperatoribus Occidentis subiecti fuerunt.

ILLATIO.

Hinc consequitur Gregorium 7. qui cæpit in fine undecimi a Christo sæculi, & Alexandrum 3. aliosq; eorum successores ad nostram vsq; ætatem, qui contra imperatores rebellarunt, verè perductionis reos iure Diuino esse censendos.

THESIS. VI.

Potestas animaduertendi in impios Reges, eosq; exauctorandi, aliosq; in eorum locum constituendi, & subditorum iuramenta dissoluendi, ad solum Deum pertinet, secundum Scripturas & Doctrinam Patrum Græcorum & Latinorum, qui per mille a Christo annos scripserunt, qui etiam impijs regibus persecutoribus Ecclesiæ in rebus ciuilibus obedientiam præstandam docuerunt.

ILLATIO.

Cardinalitÿ ergo Papæ, qui sibi potestatem exauctorandi Reges ad solum Deum pertinentem arrogarunt, sunt verè hæretici, siue hæc vox significet Dei aduersarium, siue hominem se Deo æquiparantem.

IOAN. GORDONIVS, Decanus Sarum.



AD

ANONYMVM THEOLOGO-
tonforem Ingolstadiensem Epi-
gramma.

*Q*uod non præfigis Mordaci nomina chartæ,
Indicat infaustum nomen id esse tuum :
Nomina sueta dari, quùm sacrâ tingimur vndâ ;
Nosq; Deo Trino nomina prima dicant ;
Vtq; fides soli Triadi, sic cultio soli
Debetur Trino religiosa Deo :
Quiq; creaturam veneratur, iusq; fidemq;
Baptismi infringit, pactaq; diâ Dei.
Mirum haud si retices, dederat quod lotio nomē,
Qui violas primam quam de dit illa fidem ;
Ergo creaturas venerari desine, scriptis
Nomina ne pudeat iungere vera tuis.

In